

妙法蓮華經玄贊

卷四

三



妙法蓮華經玄贊卷第四

大慈恩寺沙門基撰

一乘之義正是經宗今且略以五門分別一出體性二釋名字三明說意四彰差別五問答并體性者略為三類一惣含體二隨勝體三真實體一惣含體者一切无漏若種若現有為无為若因若果根本方便能成佛德皆名一乘即大之乘即无上乘故勝鬘云一乘者即大乘也此本論云開是无上義并中邊論云无上乘品有三无上正行无上謂十度隨修差別有六正行二所緣无上有十二種所緣三修證无上謂種性修證等十種脩證通攝一切菩薩所有境行果故勝鬘又云向羅漢辟支佛有恐怖有歸依四智不究竟名向沮憊果又云正法住正法滅波

羅提木又毗尼出家受具足此六法為大乘故說故知一切根本方便一切无漏若種若現有為无為能成佛德並名一乘三種意生身皆入初地故二隨勝體此有六類三攝事歸理體涅槃勝處等中多以法身真理佛性名為一乘故勝處云一乘者即大之乘之者即佛之乘之者即涅槃界又云於恒沙劫行六波羅蜜不如有人聽受讀誦乃至執持經卷何況有人廣為他說以有為行比无為乘故涅槃經言一乘者即是佛性此滅化城至於寶所唯以真如法身平等名為一乘二攬餘歸智體亦以真智名為一乘上文自云方便知見皆已具足不退諸菩薩其數如恒沙一心共思求不能測佛智之體多是正體後

得若在因位智劣識強在果位中智強識劣故三惡劣  
從勝體下經自云說佛智惠故諸佛出於世唯此一事  
實餘二即非真是法住法位世間相常住於道場智  
導師方便說分別功德品云有為无上正等菩提於  
十萬億那由他劫行五波羅蜜不如有人念生信所得功  
德不可比喻由以佛果理智二種名為一乘理疑本有離  
纏而号涅槃智照新生果圓而稱正覺乃四德之鴻源  
三明之妙本故稱為彼知見出現於世以理智二為一乘  
體智性智相合名為智四二運用廣體唯以因智名為一  
乘火宅喻中與諸菩薩及聲聞眾乘此寶乘直至道場  
唯因行故五勝出分段體通取因果出分段死所有理智

以為一乘開示悟入四義中前三為果二後一為因二如前已  
說故略不論勝場亦去如取為緣有漏業因續後有者而  
生三有如是无明習地為緣无漏業為因有阿羅漢獨覺  
已得自在菩薩三種意生身故意生身所乘之乘名因中二  
攝大乘中万行真如俱名大乘故六引攝殊勝體以詮旨  
二名為一乘教隨物設趣歟難知理假智冥體深亘測故方  
便品初以所詮智慧能詮教門名為一乘无量義經十七  
名中彼第十四亦名一乘由此蓮花論有二義一體出水二能  
開敷初喻智惠後喻惠門若但以真如為一乘唯得出水  
之一義失開敷之二然今蓮花既具四義何獨法唯二  
種今取教理而為一乘所以不言行果三真實體者根本

大乘教理行果及能入大乘方便四法皆名一乘咸有運載  
之功能故根本教者此品初言其智慧門難解難入  
論釋言阿含甚深花開敷義以喻妙法下文亦言法  
花經藏幽固深遠等攝大乘云阿毗達磨大乘經等方  
便教者此品下云或說脩多羅伽陀及本事本生未曾  
有亦說於因緣譬喻并祇夜優婆提舍經我此九部法  
入大乘為本隨順衆生說以故說是經勝鬘亦言正法住  
寺為大乘故說此六處故小乘三藏皆大方便根本理  
者謂法性真如六度等行乘此真理能有所往故名大  
乘此經上云諸佛智慧甚深无量下文亦云是法住法  
位世間相常住於道場知已導師方便說本論亦云念觀

者謂大乘人觀法无我真如法界等故无性亦云或乘大性  
故名大乘并中邊說真如法界名所緣无上方便理者謂  
諦理二乘所觀皆方便理故勝鬘云聲聞知有作四聖諦  
佛知无作涅槃亦言聲聞有苦有諦而无有實菩薩具  
有本論亦云念觀者聲聞觀人无我等由三理皆理二乘根  
本行者謂六度等菩薩万行菩薩地說七地所備四菩薩行  
安樂行品皆菩薩行又云乘此寶乘直至道場即行大  
乘攝大乘云亦乘亦大故名大乘并中邊說十波羅蜜  
名正行无上方便行者勝鬘亦言正法住等為大乘說依  
三藏教進善滅惡備无漏行皆行大乘法花論云方便  
者聲聞觀陰界入厭苦離苦菩薩備六度四攝二利行由

此二行皆一乘故根本果者佛身所有菩提涅槃即前所  
說法報二身理智二見故下經云說佛智惠故諸佛出於世  
唯此一事實餘二即非真又云是法住法位世間相常住於  
道場知已導師方便說又壽量品所說法報化身皆果一  
乘舟中邊說十偈證中第七淨土第九佛地第十示現菩  
提方便果者二乘所有菩提涅槃此經下言汝等所行是  
菩薩道羊車鹿車為求牛車出於火宅方便施設中路  
化城為至寶所息處故說二唯有一非餘勝鬘亦言聲聞  
緣覺四智不究竟名向涅槃界言得蘇息處四智究竟得  
涅槃者是佛方便故二乘果亦是一乘由頓悟者正學根本  
教理行果兼為伏化二乘者故亦學方便教理行果其漸



悟者初學方便後迴心已方學根本所學法同初後全別  
故知但有二種佛性理智二因无漏現種有為无為根本方  
便所有教理行果能成佛者皆一乘辨兼取有漏地前功  
德及十地者助為一乘未乖正理法花經論及餘教中隨  
依於此三種辨中一門出辨未必攝盡若依此解惣會諸文  
无不盡矣然此辨性合有五門一詮旨分別通教及理二因果  
分別通因及果三智福分別通福及智四覺寐分別通滅  
道諦菩提涅槃五二利分別通自利他此說一乘故義通  
貫若言佛乘舉果攝因名若云菩薩乘舉因攝果稱文  
便不通義可兼有又由行者脩習二智正辨後得觀於  
二理生空法空斷於二障煩惱所知息於二死分段變易證

於二果菩提涅槃圓得二滅无餘无住行於二利自利他  
稱果滿也所斷二障集諦所攝所息二苦諦所攝所脩二智  
所證菩提道諦所攝所觀二理所得二滅所證涅槃滅諦  
所攝所行二利滅道諦攝合此滅道名為一乘故此本論  
解遮中云无二乘者无二乘涅槃唯佛如來證大菩提究  
竟滿足一切智惠名大涅槃唯一佛乘故涅槃經中既以摩  
訶般若解脫法身三事圓滿名大涅槃故此二乘二諦為財  
釋名字者乘是運載義故廣雅云乘駕也周礼云乘載  
也運載行者至彼岸故此經云乘此寶乘直至道場攝  
論亦言六度万行亦乘亦大法性真如所乘大性事理俱  
能運載行者自運他至於彼岸皆名為乘問因行餘自

運至果可名乘佛果自運息應非是乘躰故有五義二者  
運載以名乘因中通二運至果廣運他由此亦名乘二者躰  
能通二運能躰並名乘果中躰有能非无亦乘躰如割名  
為刀有能即刀攝非要廣現割有能非是刀佛果德躰能  
為二運非要廣用方名為乘三者二乘唯自運小尚得乘名  
設佛廣運他何理非乘攝四者因中理智能變運二用勝  
故得名乘果中理智因脩成因乘種類亦乘攝五者因中  
二運常增進作用現勝得名乘果中自運窮未來令他增進  
得乘稱初之四義隨他不正答後之一義隨自正義答故對  
法論云自他並利所依止故二有三義一簡別故名二破別故  
名三會別故名一簡別故名二者昔日說三今時說一故知所

詮理極一而為實能詮之教二即稱權无別二理以為極也况我  
解脫雖悉皆等然至佛果方名為極故所詮理佛智名二非  
別簡三唯无二極故論解遮去無二乘者無二涅槃然經既  
云我設是方便令得入佛惠又云火宅之內許以三車出門已  
後但与牛乘又云雇其除糞經廿年假名為子故二乘者  
是後真子付家事因又以果一簡別因三即有二簡二理簡教  
二果簡因汝等所行是菩薩道故破別故名二者二乘不知  
二為方便執二乘果以為真極今說二涅槃但為化城說二  
菩提但是羊鹿摧教所設非是二果所得所證菩提涅槃  
真勝極也破彼情執有二果極故說為一即經所言諸求三  
乘人有懷疑網者佛當為除斯鷲子亦言然我等不

解方便隨宜所說初聞佛法遇便信受乃至斷諸疑悔迦  
葉亦言又今我等得涅槃證於菩薩法不生好樂攝論亦  
云斷除四處二乘作意等即是此執本論末後亦云方便品  
有五分示現破二明一不說破三等或有說言破三執故非唯  
破二如薩婆多執佛化身以為真佛今說為化故破三執  
此亦不然法花但以自備所得一乘為宗會破二乘令入於  
一非以所知一身為宗會破彼身今入一身又无執彼化身  
為極趣求至彼更不趣求餘身今破彼執令求一身故但破  
執二乘為極五不破執彼二身極也亦有解言聞昔說三執  
三皆極今說一極故破三執此乃地前菩薩起故若破執大  
極還為說一乘更增其病何名為破又未出宅許以牛車

既亦破大後出宅与是何等車若言与白牛并牛黃牛  
故既尔即應捨頓學漸黃白牛相因行何殊既還本牛  
明不破大若執一趣不連趣大何須破之執二為趣不趣大故  
可須破也若隨位得即執為趣未見趣大乘因中有此多  
執設尔許亦破即應破之无窮由此但破執二為趣又非破  
執四乘為趣為无種性說人天乘解有四乘不執趣故執二  
為趣不異破二况復亦无執人天為乘趣者執者不解之乘  
不執故若一對四一是方便乃應破一執而歸四乘故亦非  
執五執不定乘同執三故由此勝鬘唯云阿羅漢辟支佛  
有恐怖有歸依言得四智及涅槃者是佛方便此經亦  
云唯此一實餘二非真密遣二人息處說二羊鹿非真不說

三言從勝至劣。數佛乘第一獨覺。第二聲聞。第三无第二  
獨覺。无第三聲聞。非无三乘之中。大乘。聲聞。趣勤。梵本云无第  
二。第三。今翻之略。故云无二。亦无三也。此有難言。經說別。聲三  
寶不破。別。聲而歸一。聲何故破二乘而歸一乘。此亦不然。若執  
別。聲三寶為極。亦同破之。若別相三寶。聲亦无三。極故。雖尔  
亦无求住別。聲然可會之。入於同。聲廣如經說。非摧實宗。  
會別故名一者。教理行果皆有根本。及以方便。會漸悟者。  
先二乘中所脩成得。教理行果為大方便。依此本論初地。  
已上離分段死見道已前。教理行果為不退地之根本。因惣  
依諸文會一有四者。會教无垢。稱云佛。以一音演說法。衆生  
各各隨所解。此經下云。二雨普潤三草二木生長不同。此會教

同而機有異三乘取教有偏普故二者會理實性論去如  
兔馬象三獸渡河水性无差得有深淺又下經云譬於高原  
穿鑿須水若見乾土知水尚遠若見濕土知水不遠若見  
於泥知水極近水性无差得之有異此會理同而證有異  
三乘證理有圓缺故三者會行鷲子自言為是究竟法為  
是所行道佛自亦言我設是方便令得入佛惠勝鬘亦言  
此云處為大乘故說故知行同而脩有異三乘脩行有  
全故四者會果此經下言息處故說二中路設化城為引至  
寶所方為究竟處為求牛車出於火宅權設羊鹿後皆  
與牛勝鬘亦云聲聞緣覺四智不究竟名向涅槃界即會  
二乘菩提涅槃若理若智皆歸一乘故知果同而設有異三乘取



果有初後故雖依諸教惣會此四然法花中顯會教理密會  
行果會教理者即前所標諸佛智惠及智惠門二兩普潤會  
教也牛車實所會理也此以所詮名之為理非要真如欲顯所  
得甚深難解有所言說意趣難知道場所得法无能發問  
者我意難可測亦无能問者亦顯法花開方便門顯真實  
相即是法花開敷秀出密亦通會行果二同我設是方便令  
得入佛惠乘此實乘直至道場即會行故中設化城為至  
寶所即會果故勝鬘經中顯會行果六處正為大乘故說  
正會行故二乘四智非為究竟名向涅槃界即會果故勝  
鬘正說一乘因果故顯會行果密會教理法花正顯普摧今  
寶故顯會教理令其情證密會行果由此一乘據實通會

教理行果惣會諸文於理無失故古會別名之為一此經正  
取一乘因果為真乘辨教為方便故不相違今與小義雖未  
動於智海如愚所知頗亦絕於今古博識深智當自詳之三  
義之中初二解通定注不定性後多唯依不定性大乘无上  
雖即一乘非經所須故略不說第三明說意者攝大乘云為引  
攝一類及任持所餘由不定種性諸佛說一乘法死我解脫  
等故性不同得二意樂化究竟說一乘此中十因為引攝二類  
不定種性聲聞獨覺令依大乘般涅槃故法花一會多為  
此類說於一乘法花論名退已還發大菩提心由鶖子等昔  
皆求大退備小果名退已還發非諸不定性皆退還發心故  
此應名不定種性二為任持所餘不定種性地前菩薩第六

住前猶居退位恐於大乘精進思惟退依二乘般涅槃故  
此經云菩薩聞是法疑網皆已除本論亦言如來為三種  
人正與解釋此二皆是不定種性為此二種故說一乘三法  
等故行乘雖異所趣真如无差別故法華論說多與此  
同四无我等故若有真實補特伽羅可有乘別我既无  
異故說一乘五解脫等故三乘並於煩惱障中而得解脫  
无差別故六性不同故二乘之中不定種性有差別故以聲  
聞身具有聲聞及佛種性由有此性故說一乘第七佛於  
有情得同自躰意樂故言我即是彼即是我是我既成佛  
彼亦成佛第八二乘於佛得同自躰意樂同名菩薩得受  
記別故謂於此會佛與二乘受佛記別為令攝得如是意

樂我等與佛平等无二又與會上有諸菩薩與彼名同因  
得記別故佛言會三種益謂二乘者得同佛自辨意樂及  
諸菩薩得受記別九化故如世尊說汝等悉證我憶往昔  
无量百返依聲聞乘而般涅藤云何已成佛復依二乘而  
般涅藤即為調伏所化聲聞佛菩薩等自化其身為彼  
同類於无餘依現般涅藤經百千劫耽寐滅酒醉逸而卧  
後從彼起現受佛記今諸不空種性二乘盡作是心往昔  
者尊入涅藤者今皆復起現受佛記况我今者不希作佛  
而入涅藤今此會中富樓那等即其類也法華論中為化  
聲聞授記即是與故亦為降彼二乘者慢我亦得汝之涅  
藤故廣如楞伽說阿羅漢入无餘涅藤百千劫耽三昧酒

醉逸而卧後從彼起方發大心皆佛菩薩之所化作若不  
尔者實入无餘涅槃身智都盡後從彼起法從何生故知  
是化十究竟故由過此外无別勝乘依理究竟取為殊勝  
故說為今此會中依論但与人記別不定性二應化者為  
不定性者即第一第二第八分為應化者即第九義及餘以  
分說於二乘非全撥无定性无性故此二乘是密意說解深密  
經云相生勝義无自性如是我皆已顯示若不知佛此密意  
失壞正道不能住依於淨道清淨者故於其中立二乘唯  
依此无第二非有情性无差別於定不定有性无性合說取  
涅槃亦言二乘一道四果聖人皆得作佛不解我意故但應  
如此所說善今此十義說於二乘法花論中无此具足顯揚

說六因莊嚴論八義說於一乘不過此十故不叙之第四彰  
差別者此說一乘與勝鬘涅槃經所說一乘差別之相此通  
理智彼唯佛性此唯攝入彼通出生此唯有性彼通无性  
此唯不定性彼通定性此多說教理彼多說行果此說一乘  
為實二乘為權彼說一乘為權四乘為實故勝鬘云若如來  
隨彼意欲而方便說唯有一乘无有餘乘等也与无量義  
經所說一乘辯差別者如釋名中已廣解釋是 差別相  
及第五問答弁等皆如別章不繁具舉 經舍利弗至若  
二若三贊曰此與記中第四今住一乘以此一乘為衆說法都  
无第二獨覺第三聲聞從勝至劣為次第故不以備習淺  
深難易為次第也故此經中第一周去餘二非真第二周云

密遣二人第三周云息處說二不說於三故知不是惣无三乘  
但應如今所說義也會彼所脩教理行果為今大因勸住  
大乘經舍利弗至法亦如是贊曰自下第五依法顯今釋  
迦依一切佛說法軌則初說方便後說真實勸彼生信引他成  
已大文有三初明十方佛法式如是次明三世佛法式如是後  
明我由興法式亦如是與初也下三世更无十方更无三世橫  
豎有味故分差別攝大乘去人趣諸有情處數皆无量念證  
等覺故不應退屈由此現在十方佛亦无窮法式皆同  
經舍利弗至二佛乘故贊曰下明三世佛法式有二初別明  
三世法式後結所為皆同初中有三初過去次未來後現在  
三中各二初明佛說法式同後明所度衆生得道同此明

過去佛法式同初以種種因緣等說法為方便者皆為後  
得一佛乘故本論云方便者小乘中觀陰界入狀苦離苦得  
解脫故大乘中諸波羅蜜四攝法攝取自身他身利益對治  
法故因緣者本論於其六義第二說中辭故拍前云如向所  
說種種因緣者謂三乘法彼三乘唯名字章句說非有實  
義故以彼實義不可說故譬喻者如依牛有乳酪生蘇  
熟蘇乃至醍醐為第一小乘如乳大乘如醍醐故此譬喻明  
大乘无上諸聲聞等亦同大乘无上故聲聞同者示諸佛如  
來法身之性同諸凡夫聲聞辟支佛平等法身等无差別  
故在此譬喻示現此中意說凡夫如牛聲聞如乳辟支如酪  
小菩薩如生蘇大菩薩如熟蘇佛如醍醐為第一佛乘亦



尔由本一半腹中乳性展轉增勝乃是醍醐故從凡夫乃至成佛相具有差別性平等本无二也今此經文唯有此三本論釋經更有念觀者於小乘中人无我等於大乘中真如法界實際人无我法无我等觀故此經以方便因緣譬喻言詞為次第本論釋經以譬喻因緣念觀方便為次第故今引釋与論不同學者應悉經是諸眾主至一切種智贊曰此明過去已度眾主得道皆同初雖作二乘後皆作佛得一切種智即佛正智種別能知一切法故正是牛車經舍利弗至二佛乘故贊曰此明未來當度眾主得道皆同經舍利弗至一切種智贊曰此明未來當度眾主得道皆同經舍利弗至二佛乘故贊曰此明現在佛同法式饒益者利益之安樂者

与樂也拔苦与樂与智与福与世出世果与小果大果如次  
配之經是諸衆生至一切種智贊曰此明現在衆生得道皆同  
經舍利弗至入佛之知見故贊曰此結所為衆生究竟之時  
但為菩薩當作佛故往因發心所脩諸行皆向大故皆名菩薩  
所為法者皆一乘以佛知見示彼衆生故悟衆生故欲令衆  
生入佛知見道故經文无開以惣義故示義如前論更不解  
復解悟者令外道衆生覺悟故迴邪入正復解入者令得  
聲聞果者入大菩提故迴小向大本論一番解開无上義二  
番解小同義有疑脩行三番解悟不知義未發心令發  
令外道生覺悟三番解入不退位已發心令入法今得聲  
聞者入大菩提且隨文別第一番配在正解大事之中第二

番配在結大事文中第三配此依法之中論文並於大事中  
解理亦无失經舍利弗至一切種智故梵曰此明我由斯  
法式亦如是唯佛有種々勝解智力故知諸衆生種々欲  
有遍趣行智力故知深心所著々謂所樂著所脩行也或  
即情欲所起樂著即衆生處々著引之出故並是勝解智  
力所知有種々界智力故知其本性既知不定種性界欲所  
脩故初說三乘為方便今說一乘為究竟皆為衆生得佛  
乘一切種智故上文皆言得一佛乘一切種智故知種智即一  
佛乘經舍利弗至何況有三梵曰此第六遮尚无第二獨覺  
乘何況第三聲聞乘也由此經云羊車鹿車為求牛車出於  
火宅故唯破二乘不說更別破牛車故此无二乘濕懸躋究竟故

論云无二乘者无二乘涅槃唯佛如来證大涅槃究竟滿之  
刀智惠名大涅槃三事辨義皆具足故二乘不然唯假擇滅  
无大智法身非斷聲聞緣覺等有大有涅槃法且二佛乘故  
一佛乘者依四種義如前已說論以与授記中六義配如前所  
說何等法乃至何辨法等五義何等法者謂前第二未聞令  
聞謂說未曾有法令聞故云何法者謂前第二說初以方便  
種種言詞譬喻說故何似法者謂前第三依何等義唯為  
一大事故何相法者謂第四令住一乘隨眾生四器有於佛  
性故今令住諸佛法故何辨法者謂第六遮无二辨二乘  
辨即是諸佛如来平等法身也三乘因果觀行不同可有  
差別非此所遮今所遮者遮无二種法身之辨三乘真如法

身同故非謂遮无二乘弊故二初皆无以此義理推論可解不  
尔論文稍隱難解唯无第五諸佛法式故以餘五次第配之  
便可解矣經舍利弗至見濁命濁梵曰就第三段開斯寶  
相啓彼權門中有二上來已解取与二記下第二段破四種疑  
論科五分中下第五斷疑分論說四種疑者一何時說云何知  
增上慢三云何堪說四云何不成妄語此破初疑論云諸佛如來  
於何等時中起方便說法謂佛於何時中初說二乘權後明  
一乘實此下答中有二初標五濁時出後明所由此初也五濁  
義以五門分別二釋名二出弊三對治四廢立五相攝釋名者  
濁淨機義如食滓穢下惡可汙名之為濁此言意說初增  
之時三灾漸輕煩惱轉薄衆生向好惡見漸微命根轉長

漸之向勝以上好可欣名之為清衆生无苦化佛不出世諸化  
佛出世必向劫減小三灾漸起煩惱轉厚衆生向惡添見  
漸盛命根轉短漸之向劣下惡可厭故立濁名五者是數  
帶數釋也釋此別名皆持業釋或以別簡惣亦依主釋出  
弊者地持論云謂今世人多皆短壽極長百歲是名命濁  
此以本識名言種子由業所引功能差別命根為弊善業  
力弱命根漸短由煞生業之所感故若諸衆生不識父世不  
識沙門婆羅門及宗族尊長不脩義理不怖不畏今世後  
世惡業果報不脩惠施不作功德不脩齋法不持禁戒是  
名有情濁雖第八識名為有情今說由近惡因外緣故五  
蘊假者作惡无善名有情濁合以第八識及五蘊為性若

此家生增非法貪或惠刀劍或施器杖諍訟鬪亂誦曲妄

語攝受邪法及餘惡不善法是名煩惱濁除五見外所餘

切煩惱十一隨煩惱皆煩惱濁躰此非法貪惠刀劍等令行煞害

或慳好財但捨刀劍因非法貪諍訟等起乃至及餘惡不善法

通攝一切煩惱隨煩惱盡由性教習逢惡境牽煩惱尤重者

於今世法壞法沒象法漸起邪法轉生是名見濁此以五見而

為躰性多近外道惡見數生若飢饉劫起疾病劫起刀兵劫

起是名劫濁此以色蘊四塵為躰或通五蘊仍是不相應時

為其躰依四塵五蘊而建立故煩惱增多惡業尤重便招惡

果三灾迭生對治者謂隨其相說對治法智度論中立四悉

檀之宗也一世界悉檀二各一人悉檀三對治悉檀四第一義諦

悉檀劫濁衆生濁世界悉檀治之識器世間衆生世間悉皆虛  
幻厭怖脩道即永難故命濁以各各為人悉檀治之識知人由  
善業所得脩持淨戒行不煞等命自長故或為三乘之人  
各說自乘之法令得自乘涅槃之果便除生死所有命濁  
煩惱濁見濁對治悉檀治之脩習隨應對治之道今不起故  
由三悉檀破五濁故入第一義證會真宗廢立者何故唯立五  
濁不增減邪答衆生有二惡行謂在家白衣二邪行謂出家  
外道白衣无惠煩惱增時名煩惱濁外道邪解浪推求時  
立為見濁又諸鈍或名煩惱濁諸餘利或名為見濁由此二  
因得當果時離合不同復分二濁合二內果名衆生濁惡衆  
生故合二外果惣名劫濁惡器具故劫謂時分時无別時依



法弁故劫濁以惡器為弊此惡衆生及与外果雖復惣陳是  
二濁果未弁何者正惡果弊今顯根本故立命濁或內惡  
果名為命濁外惡果者名為劫濁此惡因果由誰而有謂  
惡衆生故名衆生濁由此五濁據增行相欲令生歎故偏  
說五問何故或苦名為障今離以為濁業亦是障攝不立  
於濁中答障是導義三皆是導、聖道故濁滓穢義惑  
苦滓增得入濁攝業濁義微故不立濁又劫中刀兵亦即  
業濁劫濁寬故役寬為名立亦无爽相攝者薩遮尼乾  
子經立十二濁一示現劫濁二示現時濁三示現衆生濁四示現  
煩惱濁五示現命濁六示現三乘差別濁七示現不淨國土濁八  
亦現難化衆生濁九示現說種、煩惱濁十示現外道乱濁

十示現魔濁十二示現魔業濁善男子諸佛國土皆是出世  
功德莊嚴具足清淨无有諸濁如是過失皆是諸佛方便示  
現為利眾生雖言示現故知業等亦可立濁此十二濁唯大乘  
有隨佛化主勝劣二法示現立之開合不同五濁唯據機主相  
增義門乃通大小乘有其劫及時即劫濁眾生及難化眾生  
即眾生濁煩惱及說種種煩惱即煩惱濁命即命濁外道亂  
即是見濁此八即五濁餘之四種謂三乘差別不淨国土魔反  
魔業非五濁攝五濁據勝唯實雜染十二濁通能化能鄭佛  
示現故若依毗尼毘經五濁中无見濁立業濁若依彼經煩惱  
及業各合為一果中分三正報躋謂命濁二內報躋謂眾生  
濁三外報躋謂劫濁障據類同合立三障或并法障濁據

淨穢或合或開隨機不同遷生厭怖不可為難十地第一論  
云清淨者不濁義濁有六種離此諸濁故言清淨一不  
欲濁二威儀濁三蓋濁四異想濁起妬勝心破壞心故五不  
德濁善根微歟於彼說中心不樂住六癡濁謂愚癡等此唯  
據行濁不通依諸法有六對治故離懈怠故嚴故淨故堅固  
故功德具足故智具足故此六所治故立六濁不須和會  
餘如別章恐繁且止法尔佛出必五濁時故言諸佛出五濁  
也問何因稱勒八萬歲時生釋迦佛百歲時出耆闍力異故  
俱是濁世並化三乘初摧後實並化身故若諸報佛及報土  
中不化二乘初摧後實未必濁時佛方出世若化二乘初摧  
後實必濁時出惡生難化漸入道故此言濁者入滅劫中

漸生此五即名濁時故稱佛初減八万漸向五濁方出  
世故非要人壽三十歲小災起時方名劫濁故諸論云劫  
減佛興世劫增轉輪王四若劫減時佛方出世劫增轉輪  
王何故懷怯與稱佛同世又佛不出家當為輪王日月燈  
明八子皆統四天下也若懷怯劫增時出命長故違非稱  
勒佛不減時出又佛不出家應為金輪之位非定作也燈  
明八子義理亦同彼是報身故无此失此說金輪必劫增出  
銀銅鐵輪王出時不定是以无憂王出世佛滅百年鐵輪王  
也經如是舍利弗至分別說三贊曰下釋五濁佛出所由膝  
指前標四所說五濁故言如是劫濁亂時者膝前劫濁亂  
饑疫痛刀兵起時衆生垢重者膝衆生濁垢謂六垢汙染

身心點染不淨名之為垢增損難破名之為重二害三恨  
四誦五誑六惱於有情所樂為損惱名害由忿為先結怨不  
捨名恨已追往惡觸現連緣心便恨後多發惡暴凶鄙展  
言蛆螫名惱此三以嗔為躰為網冒他過或蔽已失或取他  
意矯設異儀險曲名誦為獲利譽矯現有德詭詐名誑謂  
矯誑者心懷異謀多現不實邪命事故此二貪癡二法為躰  
於自盛事深生染著醉傲名惱以貪為躰由諸衆生六垢重  
故不識沙門不脩善法故名衆生濁慳貪嫉妬即煩惱濁  
就著已得財法不能惠捨秘怯名慳於諸未得有及有具  
希欲名貪慳雖即貪已得未得染希別故分成二門嫉音  
秦悉秦四辟粟三反或作嫉諷毒害也徇自名利不耐他

榮妬忌憂感名為嫉妬嫉雖即妬緣他正法名幹稱嫉緣  
他榮樂名利稱妬說文玉篇云害賢曰嫉害色曰妬成就諸  
不善根者不善根有三謂貪瞋癡由具二義立不善根一  
是根本煩惱能生他故簡諸隨或不得立之二遍六識有過  
失深廣餘慢見疑非不善根唯意有故由具此一義唯三  
名不善根者出生義生惡緣故亦即煩惱濁唯說三濁不  
說見命濁者劫濁攝命由飢饉兵疫命多短故煩惱濁攝  
見濁及業不善根煩惱之本攝一切煩惱故由於彼時人天  
減少惡道增多衆生難可卒以大乘而可教化故以智方  
便於一佛乘分別說三令漸入道故下經云若但讚佛乘衆  
生沒在苦不能信受故方便說經舍利弗至非辟支佛贊曰

自下釋第二疑云如來既不為增上慢人說者云何知  
彼是增上慢文中有三初顯非真二乘聖相次顯增上慢者  
相後結成二真聖相此初文也聲聞辟支真聖趣寂若遇  
佛者多不愚法其不空性可迴心者不聞近遠必能聞知佛  
化菩薩事故名曰謂是真三聖而得遇佛都不聞知化菩  
薩事非佛聖弟子亦非真三聖經又舍利弗至增上慢人  
贊曰此顯增上慢者相九天得第四禪未離三界染自謂  
真三聖是阿羅漢最後之身究竟涅槃不末正覺心不信  
句是增上慢十三經所以者何至无有是處贊曰此結成二聖相  
但是真聖而遇我者趣寂多是不思法人雖不能行聞之亦  
十四信不受種性理信脩學故真三聖若不信者必无是道理處

彼非道理故其趣寐者不能證入初猶未信名損驚怖返  
道疑生後必信之成不愚法故此結云不信一乘死有是處  
經除佛滅度後現前无佛贊曰自下釋第三疑云何堪說謂  
有疑云後佛聞法而起謗心云何如來不成不堪說法人此  
意說言亦有趣寐真實二聖而愚法者聞法起謗亦不聞  
知但化菩薩事即是世尊不能化得何故佛不成不堪說  
法人既成不堪說法人番詰之曰如何世尊可堪為衆生說  
法而稱種智也故佛答言除佛滅度後現前无佛雖真趣  
寐而過我者多不愚法皆定聞知化菩薩事若不過我而趣  
寐者有愚於法即不能知但化菩薩此文有三初標次釋後  
結成此初也經所以者何至是人難得贊曰此釋前標我滅



度後以无良緣善方便誘諸趣寐中多愚於法於此等  
經受持解義乃為難得不解意故我滅後有真二聖不  
聞不知但化菩薩經若遇餘佛至便得決了贊曰此結成前  
義此愚法者若我滅後更遇餘佛方便說化於此法中便  
得決了故亦能知但化菩薩不逢佛者即有不知是故我  
今非不堪說等故瑜伽云若已建立阿賴耶識依无色界  
亦入滅之信有藏識不斷絕故或復此疑非疑趣寐即疑  
增上慢既不化得云何世尊不成不堪說法人故此釋言我  
在必化得除我滅後等經舍利弗至唯佛求贊曰此下釋  
第四疑云前說三乘今說為前說法異今說法異云何世尊  
不成忘語故佛答言我以證解汝全未知行位未到但當

一心信我所說汝割發心初可信故阿羅漢迴心經二万劫  
始至三大阿僧祇劫初信心之位故但應信勿生疑惑佛  
語无妄理唯一乘不妄種性究竟成果智亦唯一乘无二乘  
故般若論云佛說四事无虚妄者菩提授記小乘大乘今  
即大乘及授記故成不妄語也此品初首初歎法妙及法  
師妙已有定疑分於定記分有此四疑初疑於与記上生  
於何時中初說方便後真實故第二疑於取記上生有增  
上慢後坐起去故云何知是依初解第三疑於因記上生佛  
心本定為二人說不為惡法故生此疑云何堪說若依後解  
玄贊卷四十五亦取記上生第四疑於一切上生初說後說自相違故云何不  
成妄語經今時世尊至優婆夷不信贊曰下有二百廿二頌

中後之三頌入品第四段勸發善心今知作佛即初一百一十八頌  
之前長行第三開斯實相偈彼權門分二初一百一十五頌  
前二記後之三頌破四疑初中復二初四頌取記中惡人退  
席後一百一十一頌與授記四中初頌增上慢後之三頌罪  
根深重四頌如次慢犯覆障此頌慢也出家之人道證為首  
以得謂多得多起增上慢在俗男子多計著我自恃高心  
故生我慢在俗女人多生卑慢无恃勝道少計著我隨  
順夫朋亦懷不信經如是四衆等至於戒有缺漏贊曰  
下三頌罪根深重犯戒覆罪法障別故此犯戒也以犯為  
數多犯為漏可幾責故壞戒名缺壞見名漏或煩惱漏起  
仍不見覺自恃高心戒中既去除增上慢自稱得聖方犯

重罪故此无過不是尸羅不清淨故三昧不現前攝今言犯戒惣相而說不知犯相經謹惜其疵疵至佛威德故去

贊曰覆罪也玉內有病為瑕玉外有病為珎犯戒亦尔招世譏嫌如珎內起過如瑕身語過如珎即前缺也內心過如瑕即前漏也犯性罪名瑕犯遮罪名珎其玉內病應為珎字今為疵者法內之人有煩惱病如玉有瑕喻法合說與者病故謹惜不陳覆藏已失酒滓曰糟極沉濁故米粒名糠輕无用故不但小智背法自行佛威拂之令避席去恐聞妙法誹謗憎罪於彼无益故威逼之令其起去經斯人歎福德至唯有諸貞實贊曰法障也夙造匱法業法障在身不堪聞法故歎必也鮮歎俱得經舍利弗善聽至而為眾

生說贊曰下第二段一百一十一頌、与授記長行有六今亦分  
六初六頌、說次七頌半頌今住次二頌半頌遮次十八頌半  
頌依何等義次七十頌半頌依後七頌、未聞今聞於六  
不司中前後不同故頌曰六說七半住次二頌半遮十八半何  
等七十半七二初六頌說中分二初四頌半頌所以者何下釋  
文後二頌半頌前標中隨宜所說意趣難解初中復三頌  
、无礙方便四十五二頌、種、因緣譬喻言詞即譬喻因緣念  
觀方便也二頌半頌演說諸法此初也前長行中標去諸佛  
隨宜所說釋中我以无礙方便今此頌釋去諸佛所得法无  
量方便力者前後影彰他自耳顯亦不相建經衆生心所  
念至今一切歡喜贊曰頌種、因緣等心所念行道遍趣行也

諸欲者種々勝解也諸性者種々界也先世善惡業者處非  
處及自業也說佛有五智力種々念觀也能知衆生此之五  
種故以因緣譬喻言詞方便說法皆令歡喜釋前種々言  
詞所由經或說脩多羅至優波提舍經贊曰一頌半演說諸  
法依諸處說十二部經次第一契經々々脩多羅二應頌經云  
我夜三記別此中无四諷誦經云伽陀五自說此中无六緣起  
經云因緣七譬喻八本事九本生三名同此十方廣此中无十  
一希法經云未曾有十二論議經云優婆提舍經於此義中  
以三門分別一弁相二釋名三差別弁相者契經有二相一通二  
別涅槃經云役如是我聞乃至歡喜奉行如是一切名脩多  
羅攝十二分盡名通相也以教貫理及攝生故對法論云謂以

長行絹綴略說所應說義名為契經此唯長行名為別相偈  
頌便非別契經攝應頌有二相一為益後來二顯前未了義對  
法等云謂諸經中或中或後以頌重頌前長行義名益後  
來又去不了義經應更頌釋長行雖說義未了故為頌前  
未了義涅槃唯說初之一義記別有三相一記弟子死生因果  
二分明記別深密之義三記菩薩當成佛事對法等云謂於  
是勝聖弟子等謝往過去記別得夫生處差別此記弟子  
死生因果又云了義經說名記別開示深密義故即此  
第二記深密義故此本論云授記有四因取與記等涅槃  
經云如來為諸大人授記汝阿逸多未來有王名曰寶法當  
於是世而得成佛名曰弥勒是記別經此即第三記當成

佛諷誦相者顯揚等云謂諸經中非長行直說然以二句  
結成或以二句三四五六句等說並為諷誦自說相者瑜伽等  
云謂於是中不顯請者為今當來正法久住正教久住不請  
而說並名自說緣起有三相一因請而說二因犯制戒三因事  
說法對法論云因緣者謂因請而說又有因緣制立學處即  
初二義名四十六為緣起涅槃經言如諸經偈所因根本如舍所  
因有一丈夫羅網捕鳥得已還放世尊知其本末因緣而說  
偈言莫輕小罪文三十四十七以為无殃水滴雖微漸盈大器是名緣起即  
是第三因事說法七譬喻相者瑜伽云謂諸經律所有譬  
喻而說諸法八本事相者瑜伽論云謂除佛本生宣說前  
際若入若法諸所有事涅槃經中唯說往法如我出世所



可說法名口界經拘樓秦佛名甘露鼓拘那含牟尼佛名  
曰法鏡迦葉佛時名分別空不說往入獮寶通也九本生相  
者顯揚論云謂本是中宣說世尊在過去世彼一方所若元  
若生行菩薩行、難行行是名本主說佛為菩薩若身若  
行若本主改沮縣經中唯說菩薩往身不說菩薩往行作  
鹿作熊作摩作鬼乃至廣說作金翅鳥等十方廣有三相  
一說菩薩道二法廣多趣高大故時長遠故此通聲聞亦有  
方廣今取沮縣其二為正十一希法相者謂諸經中宣說諸  
佛及聖弟子八眾所有共不共德及餘寂勝殊特驚異之  
法是為希法沮縣經中唯說佛事如佛初生即行七步放  
大光明遍照十方獮猴獻蜜白狗聽法魔變為青牛行凡

鋒間今相崇觸无所傷損但說弟子及非弟子希有之事  
皆名希法十二論議有二相一佛自說二弟子說瑜伽論云謂  
諸經典循環研覈摩咀理迦一切了我經皆名摩咀理迦謂  
於是處世尊自廣分別法相又聖弟子已見諦所依自所證  
无倒分別諸法勝性此亦名為摩咀理迦亦名阿毗達摩今  
此且引攝義同文其餘偏教恐繁不引釋名者先釋惣  
名先德翻為十二部經部含二義一部養三部類此是部類十  
二義類有差別故古人疑云十二部養經由此道士說三十六  
部老庄之徒各為一部今言十二分教分謂分段文義差別有  
十二分段故又云經者乃濫契經今翻為教十二通稱更無所遺  
帶數釋也釋別名者惣為三類應誦誦自說錄起希法方

廣此之六名唯依主釋應重述頌乃至方理之廣故論議一種  
唯持業釋論躰即議故或諷誦亦持業釋可諷可誦故  
不同應頌彼頌是教此誦是言故契經記別譬喻本事本  
生此之五名通持業依主兩釋能契即經契理之經乃至本  
躰即生本世之生故差別者二躰差別二教差別躰差別者  
應頌之中定无諷誦之中定无應頌初後別故單重別故  
本事之中定无本文贊四十八生之中定无本事師資別故此之四部  
唯具十二所餘八部皆具十二隨其所應有前所說差別相故  
涅槃經云始徙如是終至奉行皆備多羅故通十二別相即  
无唯取長行為契經故二偈便非自餘七教皆具十二准此  
可知其應頌中具十二者譬喻品云舍利弗來世成佛普智

尊号名曰花光當度无量衆即有記別之應頌也應頌之  
中亦有自說方便品云世雄不可量諸天及世人一切衆生  
類无能知佛者即是自說之應頌也應頌之中亦有緣起方  
便品云舍利弗善聽諸佛所得法无量方便力而為衆生  
說即是因緣之應頌也因鶖子請而說法故應頌之中亦有  
譬喻譬如長者有一大宅其宅久故而復頌弊等即是譬喻  
之應頌也應頌之中亦有本事序品中云彼佛滅度後憊  
怠者汝是妙光法師者今即我身是即是本事之應頌也  
應頌之中亦有本生常不輕品云彼時不輕即我身是即  
是本生之應頌也應頌之中亦有方廣方便品云十方佛  
土中唯有一乘法无二亦无三除佛方便說即是方廣之

應頌也應頌之中亦有希法化城品云大通智勝佛十劫坐道場佛法不現前不得成佛道即是希法之應頌頌也應頌之中亦有論議壽量品云衆生既信伏質直意柔愛一心欲見仏不自惜身命時我及衆僧俱出靈鷲山我時語衆生常在此不滅以方便力故現有滅不滅此即論議之應頌也自餘三教皆具十一准此應知然此經中具十二分一部皆是契經通相重宣此義處並是應頌請為授記辭深義廣皆是記別化城品中東方梵天以偈頌言世尊甚希有難可得值遇具无量功德能救護一切等皆是諷誦方便品初即是自說故前偈云无問而自說稱歎所行道鷲子三請弥勒三請等所說推實處皆是緣起譬喻

品等皆是譬喻說諸弟子過去事處皆是本事自說佛  
身過去事處皆是本生說一乘處皆是方廣說現神通  
處皆是希法壽量品佛自往復說三身相可名論議教  
差別者一大全小九即此經文小乘唯无授記自說方廣三種  
不遮大乘有十二分二小全大九涅槃第三云護大乘者受持  
九部發覺彼除因緣十九譬喻論議不遮小乘有十二分三大全小十二  
瑜伽卅六方廣一分唯菩薩藏所餘諸分有聲聞藏四大  
小十二瑜伽八十五云除方廣一分餘名聲聞乘相應契經何故  
此文大全小九依授弟子得成佛記名為記別說聲聞无彼  
先未求大菩提故譬如以寶示求愚人人便笑聲聞之記  
亦復如是故說為无非記別弟子謝往死生之事亦无又聲

聞乘人多皆賤法若不待請而即為說憍慢便生言无自說  
其實亦有又聲聞人但證小果不得正覺理非至極行不  
已和說无方廣其實亦有正法廣陳之方廣也故此頌中  
唯有聲聞說於九部理通十二涅槃經中小全大九者因犯  
制戒說為因緣菩薩无犯故略云无非无因請因事說法  
之緣起也夫說辟况開中下根至如鷲子利根上品高多不  
待喻况諸菩薩多分不待故說为无理亦有也又大菩薩  
性皆利根舉宗便解不假徵詰方生惠心說无論議理實  
非无又護法者多誦素咀纚藏緣起辟喻多因伏藏論議  
多是對法藏攝故言大唯九理亦非无十二喻伽卅八大全十  
二者小乘亦記弟子謝往及不待請佛慈悲深故具有記別及

口說等故有十二无方廣者不求正覺說理廣淺名之為无  
實亦有也瑜伽八十五文与前无別然以十二說為聲聞對之方  
廣說為菩薩非菩薩藏无餘十二皆是隨於一分之義說數  
不同理實聲聞菩薩二藏皆具十二今隨所要且略分別自  
餘廣釋如別章應知 鉢根難小法至為是說涅槃贊曰  
此二頌半頌前標中宜所說意趣難 山五義一鉢根難  
悟二樂小怖大三脫生死不希出世四逢緣不備五現眾苦迫  
由此五義為說涅槃以從根故著於生死雖逢諸佛住日  
已化不行大乘深妙之道由行惡故遇還受苦由勸離苦故  
初為說二乘涅槃故信解品眾初逢佛退流生死後化二乘  
正与此同經我說是方便至當得成佛道贊曰下第三段有



七頌半第四今住中分四頌標二頌釋四頌半會二頌勸住  
此初也初設二權為令究竟入於佛惠住二乘故經所未  
曾說至決之說四九大乘贊曰此釋前標會於已前汝根未  
未悟大乘不堪為說汝今根熟正是其時故為說也同化城  
品云諸比丘若如來自知沮難時到衆又清淨信解堅固了  
達空法深入禪定便集諸菩薩及聲聞衆為說是經世間无  
有二乘而得滅度唯一佛乘得滅度耳經我與九部法至以  
故說是經贊曰下四頌半會中分三頌顯小法非真說為  
大本一頌半顯大法勝妙為勝人說二頌結成勝妙人法勸捨  
非妙人法此初也隨順初機說此九部為入大本非究竟也  
故應住大經有佛子心淨至說是大乘經贊曰顯大法勝

妙為勝人說勸捨劣法勿成惡人類悟漸悟一切菩薩皆名  
佛子此有五德一心淨專求大乘佛之智慧非樂下劣除二  
障故二柔下心耐勞倦故堪能作大業精勤不息故三  
利根性多拔苦樂與他樂一切均平四法速入四無量諸佛  
所久遇良緣恒自磨瑩五而行深妙道齊修福惠寶規真  
覺發菩提心經說十種法堪發菩提心親近善友二供養  
諸佛三脩習善根四志求勝法五心常柔和六遭苦能忍  
七慈悲淳厚八深心平等九愛樂大乘十求佛智慧皆此  
五攝心淨攝二句愛樂大乘求佛智慧柔下攝二句心常柔  
和遭苦能忍利根攝二句慈悲淳厚深心平等無量佛  
所攝二句親近善友供養諸佛行深妙道攝二句脩習善

根志求勝法有具此五德成十法之子方為說大乘今其  
發趣經我記如是人至故為說大乘贊曰結成勝妙二勸  
捨非妙二記五德人來世成佛以深心念佛持淨戒故念佛  
有二語念二心念或心緣事佛願救希成智合理身未證  
滅障定惠既尔又持淨戒三學既成故為之記此等聞得  
佛順心故歡喜佛既知心故為說大經聲聞若菩薩至皆  
成佛无疑贊曰此勸住也讚法聞益勸住大乘經十方佛  
主中至引導於衆生贊曰此第三段一頌半頌第六遮无三者无第  
二獨覺乘无三者无第三聲聞乘從勝向劣佛乘為初此據真  
理无二撥乘除方之便之說之中可有三故以假三名引導生故  
用假羊鹿之名引生出於火宅非有實二以度衆生此說二

乘涅槃善提俱无實弊並稱假名然涅槃可證而縛除  
種智不成以无覺故化城入之以息苦羊鹿有名而不登  
問三事稱大般但得解脫言入城二空智名牛但得生智  
上羊鹿文補各解脫諸苦息方名入假城種智二乘无故不上羊  
鹿又解脫三乘同息苦彼亦分得与入名真智種類獨佛  
圓雖亦分得不名上理實无別又或障因果彼皆除解脫  
化城稱雙入智障因果彼不滅二車種智不言登蓋說佛  
智惠故至演度於衆生贊曰下第四段有十八頌半頌第三  
依何等義中有二頌半頌標一大事十七頌之開示悟入此  
初也佛之智惠如前所說合有五種今此多說佛果二法善  
提涅槃智性惠用合名智惠或唯真智不取真如佛出世

者為。此。今。生。欣。趣。唯。此。二。實。究。竟。極。果。勝。妙。无。上。餘。之。二。  
乘。解。非。真。極。究。竟。勝。妙。故。經。下。文。以。前。五。度。校。量。此。經。不。  
說。般。若。故。終。不。以。小。乘。清。生。或。此。事。多。說。智。性。溫。靡。經。  
中。師。子。吼。說。佛。性。即。智。惠。由。此。智。性。亦。名。智。惠。今。此。多。取。  
初。解。為。正。二。乘。无。故。既。言。餘。二。則。非。真。故。知。不。是。破。三。會。三。  
以。歸。於。一。經。佛。自。住。大。乘。至。以。此。度。眾。生。贊。曰。下。十。七。頌。  
開。示。悟。入。中。分。四。頌。開。五。頌。悟。一。頌。入。十。頌。示。與。初。也。大。乘。合。  
取。真。理。正。智。假。者。佛。身。恒。安。處。此。溫。靡。菩。提。名。住。一。即。依。  
止。安。處。之。義。所。得。唯。是。法。身。真。理。或。大。乘。者。唯。取。真。理。  
正。智。證。會。名。之。為。住。以。此。法。身。万。德。具。足。真。德。性。故。佛。報。  
身。如。其。所。證。法。身。真。理。還。以。无。量。定。惠。莊。嚴。定。即。福。也。惠。

即智也。攝持一切有為德盡內實真理。涅槃已滿。真智遂生。具福惠嚴。菩提復滿。自德既圓。故以二法開於衆生。名之為度。顯二辨性。是死上故。令生欣樂。經自證死上道至此。事為不可贊。曰下有五頌。悟中有三頌。半顯平等。二頌半顯勝德。二頌令悟此初也。死上道者。正智勝故。死上大乘者。真理二故。死上言貫通二處。二皆平等。死能所取。死有自他。物我異故。又大乘者。即死上道。運用勝故。佛既證與平等。理智何有自他。物我二別。內智若不平。等自取大乘外智不平。令他取小。則墮慳法。貪求名利。或既未盡。何名證得。正覺大乘廣運。一切此為不可。經若入信。歸佛至而獨死。所畏贊曰。下二頌。半顯勝德。有二初。二頌。半顯內離染。

无所畏德後二頌顯外莊嚴說實法德此初也若人信佛初  
發心也歸佛者後備正行如來不為欺陵輕賤而不受大  
能化以多音四小亦不誑無逗五初許与大後不与之所以者何以佛亦  
无貪惜大乘誰而不与亦无妬畏彼大而欺誑之由斷  
一切法中惡故惡者煩惱業苦生死惡法已永斷故既无  
如上所說諸事正智四滿故於十方都无所畏作師子吼  
我是一切知者一切見者平等化者若有上事惡既未盡  
智果未四如何於十方能作无畏吼故俗中云父聞子健  
恨不煞身自外何怯故无貪嫉經我以相嚴身至為說實  
相印贊曰顯外莊嚴說實法德形骸相好端嚴其身  
光智光復能朗照器及衆生三種世間由此衆人皆尊敬

我名世間尊若內有染外无此相外現此相明內无染故  
我今者說實相之印者謂即二空大乘之理以此理印  
之大教故大教決定勝實非權如小乘中說三法印之定教  
法經舍利弗當至如我等无異贊曰此二頌令悟汝應如  
我悟先所不知大乘真智我昔立願令一切衆生与我无  
異願令悟故願以信欲勝解為性經如我昔所願至皆令  
入佛道贊曰此二頌令入今者果滿遂昔願心故化衆笑於  
佛道之者因義令入八地或初地上不退轉位佛之因故經若  
我遇衆生至迷惑不受教贊曰下有十頌之示有二初八頌  
示初不同後二頌示後還同初中復三頌示不同意六頌示  
不同相二頌結不同此初也若教衆生盡以大乘智者可尔



无智愚人錯學亂行心遠不信疑或誹謗使返增惡不能領  
受亦如覆鉢水於坳塘致極即膠故由此返增愚人之咎故  
不能以大乘教化經我知此衆生至衰愛故生憫贊曰下有  
六頌示不同相中分二初二頌標无善有惡故不同後五頌釋  
有惡无善故不同此初也未備備善本即是出世方便善  
根无始雖起多分暗劣唯生得善无漏因由著五境堅  
執不捨以此為緣癡便發業愛便潤生故諸生死生老死  
支一切苦若若樹增長由无出世方便善本有癡愛二以為  
其因著五欲境不肯捨故發業无明多由迷內發潤生貪  
愛多緣五欲生今據欲界无明發業通言著欲說重處故  
經以諸欲至至世常常增長贊曰下五頌釋有惡无善故

不同中有二初四頌有惡故不同後二頌无善故不同初中  
復二初一頌半由處俗塵五欲沉沒故不同後二頌半未耶出  
離錯行乱學故不同此初也由諸欲故起不善業墜墮  
惡趣由雜業故輪迴六趣備受諸苦四生之長皆有業故三  
苦八苦五苦迫故偏狃一生現苦為論故言受胎之微形世  
常增長微者劣也胎謂胎藏不淨纏裹可厭可惡微劣  
生故瑜伽論說初受生者本居中心有極長七日命終極步  
不過七七日住造惡業者中有如黑羈光或蔭暗夜造善業  
者如白衣光或晴明夜隨當生相所往无尋見已同類及  
當生處造惡業者眼視不淨伏面而行往天趣者上往人趣  
者傍若造不律儀生地獄中見昔同類喜樂馳趣遂被拘

尋純苦鬼界傍生亦尔若餘雜業隨業善惡何處生長  
於其父母隨男隨女生悲生喜以潤當生覽父母之遺骸  
迷醉之時使被拘尋一七日內名羯刺藍與女雜穢父母不  
淨共和名雜深可厭惡名穢若已結凝箭內穢故二七  
口內名頰部曇此女疱猶如豌豆瘡疱之形表裏如■未  
生肉故三七日內名閼尸此女凝結猶如就血稍凝結故西域  
呼就血六閼尸若已成肉仍堅柔更四七日內名健南此女凝  
厚漸凝厚故若已堅厚稍堪摩觸五七日內名鉢羅毘佉  
此女形位猶如泥團五个相連一身四支內風向外擊生板形  
若別相故即前肉團增長支分相現六七日內名毘毛九位毘  
毛生教十七日內名具根位五根圓滿明厥顯故至此初後

方鈎三月種之成就若不增減如是合經廿八七日在腹圍  
滿更經日頭趣向下雙足向上胎衣遂裂逼趣產門種  
之衆苦于時迫近或由先業母食灰鹽子長毛稀軟或  
由先業母食暖熱子黑黯色或赤色生或由先業母食冷  
食或近寒室子多頑白母習燥欲子多疥癩癰病等生母  
多跳躑威儀不整子支軟減了度不安男居右脇倚腹  
向背女居左脇倚脊向腹隨於父母生愛染故初既攬父  
母不淨以為身後以母之不淨資長現緣既尔故業不善  
百惡所感母六物不淨為弊如是惡身不可愛樂輪轉  
不窮名世增長廿一經薄德少福人至諂曲心不實贊曰此  
二頌半末邪虫離錯行亂學故不同初二頌半明起身邊

邪見成六十二見後之二頌因起見戒取所餘或生或初二頌起  
 明起五見後二頌半別明起五見彼諸衆生无殆已平薄德  
 火福故為苦所迫雖析出要不悟邪正錯入外道不正見中  
 錯行錯學名為邪見五見皆邪此依後科非要撥无方名  
 耶之見之煩雜拘碍衆生難可止離不能解脫名為稠林  
 此為總見後方別顯若有若无等者此有二解依後科  
 者五見之中四見為有皆執有故邪見為无多撥无故等  
 言顯示種之煩雜若依初科邪見稠林者撥无邪見若  
 有者執我後身為有常見也若无者執我後身為无  
 斷見也此二為邊見等取身見之取戒取由六十二見以邪  
 見邊見二為目緣故別舉之以餘二見而為眷屬依於身

見以為根本如六十二見章廣述云何六十二見頌曰

二四八十劫見生死通常梵餘大種心藏憤恚一分  
有色有邊等各死生想地一種小无量純樂等有想  
即有色邊等生死想俱非人欲天色界四无色斷滅  
從无想天沒尋伺計无因憶上下傍俱壞却有邊等  
怖无知行諂懷怖慙矯乱人欲天欲樂四靜慮涅槃此諸見中樂  
前際過去攝樂後際未來攝樂現在通二際中攝通分  
无因邊矯乱前際所餘四十四皆後際見攝此六十一經  
論俱言邪見邊見二見所攝誰幾見攝遍一分各四想有  
成十六无俱非各八七斷皆邊見即彼二无因邊矯乱各  
四五現涅槃論皆邪見所攝由執神我起我見已便起如

是六十二見復起見取執見等法為勝為因又起戒取執戒  
等法為因為勝著此妄法曾未肯捨我慢自恃矜誇  
目高而凌蔑他乎於所師誦曲相讚徇求名利心何曾  
實以具如是耽著者邪故不堪任即化大法經於千萬億  
劫至如是人難度贊曰此二頌死善故不同善人皆備四親  
近行一親近善友二聽聞正法三如理思惟四如說脩行此  
等惡人千萬億劫不聞佛名何得親近一切善友既不見  
佛亦不聞法既無聞意入法初因思惟脩習理不可得故知  
是人甚為難度十四如何初首即教大乘是故舍利弗至示之  
以涅槃贊曰此結不同由如此故為設方便初示涅槃且  
令告息去聲四蓋經我雖說涅槃至開示三乘法贊曰上顯初不同

妙法蓮華經玄贊卷第四

此二頌示後令同勸捨解脫身取佛法身所說二乘涅槃猶  
如化城是非真滅法從无始性常寂故即是自性清淨  
涅槃性離言說非今新有如寶所者乃是真滅既示  
故行道已來世證此法本性滅得成佛道我本智慧巧  
用方便初開二權後示一實總名曰示三乘之法經一切諸  
世尊至唯一無二乘贊曰下第五段七十頌半頌第五依法  
有三初二頌半頌十方佛法次世八頌半頌三世佛法後世  
頌半頌我亦如是此初也既云唯一无二乘云何破三以歸一  
經過去无盡劫至其數不可量贊曰下世八頌半頌三世  
中分三初世七頌半頌過去次六頌半頌未來後四頌半  
頌見在初中有二初四頌半頌佛說法初權後實後世



三頌之衆生聞法皆究竟得一切種智初中有四頌佛多  
一頌開摧二頌顯實二頌半釋開摧顯實之意此初也經  
如是諸世尊至演說諸法相贊曰明初開摧經是諸世  
尊等至今入於佛道贊曰明後顯實經又諸大聖主至即  
顯第一義贊曰釋開摧顯實之意知諸衆生未能顯學  
一乘教故識其根欲故初以摧方便助顯一乘後今入實又  
菩薩根性有二不定二定性為不定性初摧後實顯暢  
一乘前二頌是為定性者說頌教一乘此文是也謂知衆  
生心性顯欲故以異方便不從摧取實顯助一乘者第  
一義諦真如等是初三後一是摧實之方頌說一乘故名異  
方便經若有衆生類至皆已成佛道贊曰下廿三頌之衆

生聞法究竟皆得一切種智為三初二頌佛在次七頌滅後  
上頌結此初也逢佛聞法脩行六度四攝无量等名種  
福德備佛之四菩薩行故皆已成道經諸佛滅度已至  
皆已成佛道贊曰下七頌一佛滅後分五頌慈心四頌半  
造塔六頌半造像七頌供養二頌攝佛此初也有善剛強非菩  
薩心柔更非善亦非菩薩心要善而更方菩薩心順理益  
物極柔和故已成佛道植佛因故後文且據佛滅之後行  
難作故是別行故非是佛在作此諸行而非佛因在易備  
故准上六度佛滅後行是慇行故亦成佛道經諸佛滅  
度已至莊嚴於諸塔贊曰下四頌半造塔成佛分二初四頌  
明造塔後半頌結初文有三初二頌造塔數多八环嚴瑩次

一頌九物為塔後二頌下至戲笑劣物為塔此初也佛地論數  
七寶无玫瑰仍琉璃与珠別珠謂赤真珠今此若以琉璃為  
珠即為七寶不尔故八琉璃与珠別故頗梨多白紅色車  
渠青白間色馬瑙有多色或純白或純青黃或衆色間玫  
瑰赤色說文火齊珠也二曰石之美好三玫瑰好曰瑰餘者可  
知增二阿含經中佛告諸比丘我今當說四梵之福一若有  
信心善男子等未曾起塔處能起於塔二補持故寺三  
和合聖衆四佛初成道諸天人等請轉法輪是名四梵  
之福比丘白佛梵福多如佛言四天下及六欲天所有福  
德猶不如一梵王之福故勸造塔當得菩提經或有起石  
窟至博凡泥土等贊曰此二頌九物為塔石廟者石佛堂

古云支提今云制多翻為靈山應作窟字窟良也白  
虎通玉篇云先祖尊良所在故謂之窟木攬者字林香  
木切韻作檻玉篇作攬其樹似槐而香極大伐之五年始  
用若取其香皆預斫之次乃香出經若於曠野中至皆已  
成佛道贊曰初二頌下至戲笑劣物為塔後半頌結之論  
云聚沙為佛塔已成佛道者謂發菩提心行菩薩行者所  
作善報能證菩提非諸凡夫及史之種性聲聞未發菩  
提心者之所能得故如是乃至上文及下小位頭等亦如是經  
若人為佛故至皆已成佛道贊曰下六頌半明造像中有  
二初五頌造像二頌半結初中分四二頌雕刻三頌十物嚴飾二  
頌緣畫二頌戲作此初也明作佛像非作餘像故言為佛

為求作佛為思敬佛故名為佛又認為佛而作諸像為莊嚴佛故名為佛造像切德經說造像得十二種果一卅二所生眼目淨潔面目端政二生處无惡三常生貴家四身軀殊好紫磨金色五常豐瓊瓊六生賢善家七後生為王中軍勝八金輪王化九後生梵天壽命一劫十不墮惡地十一後生之中還重三寶善持妙物復造切德多四天下大海十倍經<sup>四</sup>或以七寶成至皆已成佛道贊曰此二頌十物嚴飾作像切韻鈐即錫也有去錫銀鈐之間玉篇青金也經彩畫作佛<sup>玄贊</sup>像至皆已成佛道贊曰此頌畫佛經乃至童子戲至而畫作佛像贊曰此頌戲作經如是諸人等至度脫無量衆贊曰此結也具足大悲心者凡所作善必帶悲心方

成到彼岸故成佛道經若人於塔廟至敬心而供養贊曰  
下有七頌明供養有二初五頌半明供養後二頌半結成  
初中有五頌四物供養二頌半音樂供養二頌歌頌供養一  
頌花供養二頌身業行敬供養此初也發菩提心經云若以  
花施得七覺花故以香施得五分法身香故以幡施得陀  
羅尼轉衆愚故以蓋施獲四无量覆衆生故業報垂別經  
說各得十德經若使人作樂至盡持以供養贊曰此音  
樂供養樂音五覺反以生樂故亦盧各反黃帝世伶倫  
作樂說文五聲八音之摠名禮記千戚羽毛謂之樂鄭玄八  
音克諧謂之樂鼓動也鳴也凡出音曰鼓今木有皮動之  
即鳴角者曲形而似角貝者螺也溫藤經吹貝知時簫管也

玉篇編小管所吹又箛也笛七孔簫俗名直玉篇五孔竹笛鬼  
笛三孔琴禁也君子守正以自禁神農所作笙篴琵琶相  
可知矣篴如鈴而大玉篇小鉦也軍法十長執篴五人為伍五  
伍廿五人為兩司馬執鐸銅拔兩扇相擊出聲有作鉦无  
所從或為跋字發菩提心經云音樂女色不以施人亂衆生  
故此供養佛故不相違如金藏中音樂供養事經或以  
歡喜心至皆已成佛道贊曰此以歌唄供養當得大士  
梵音聲故梵古婆陟此言讚歎又匿訛也陳思王登漁  
山聞巖岫有誦經聲清婉適亮遠谷流響遂擬其聲  
而製梵唄故今俗中謂之漁梵冥會西域三契七聲聞  
俱脰耳等所作也經若人散亂心至漸見死骸佛贊曰

此以花供養與前四事中花施何別彼專善心此以散心  
故不相違略言供養畫像供養餘像亦得經或有人  
禮拜至或復小位頭贊曰此明身業行敬供養上歌頌  
是語業此身業也其能發心即是意業自餘皆是外財  
供養三業行供經以此供養像至如新盡火滅贊曰結  
成供養經若人散亂心至皆已成佛道贊曰此稱佛作  
佛且舉一稱尚得作佛何況多稱如藥王藥尚經云我常稱  
五十三佛名故今得作佛即其事也經於諸過去佛至皆  
已成佛道贊曰頌衆生聞法得種智中此為第三結成佛  
道經未來諸世尊至亦方便說法贊曰下六頌半頌未來  
法中分二初三頌半標同今說實後三頌重釋前義初中



有三頌標同初方便一頌半標後成說實二頌釋前所由  
此初也經一切諸如來至无不成佛贊曰此頌標後成說  
實今聞法者皆得作佛及衆生二俱合說經諸佛本  
誓願至亦同得此道贊曰釋前所由之本願故經未來世  
諸佛至其實為一乘贊曰下三頌重釋前義有二初二頌  
明初方便皆為一乘後二頌明悟三性諸法歸趣所以如此  
之初也經諸佛兩足尊至尊師方便說贊曰明悟三性諸  
法歸趣所以初推後說一乘真如妙理勝性常住佛能證  
知通計所執生法二我勝性是无佛證无我理故亦知此无  
是凡虛妄執佛種從緣起者无漏依他報佛種子因緣  
所生從緣所起因備作故由證真理斷能執心染分依他

知所執无從於淨分依他因緣備佛種者為一乘故何者二  
乘重顯常法即圓成實法住法位者真如住在諸法之  
中於性常有名為法住法有染淨離染得淨分位顯之  
故名法位相者於性世間本於即是常住真如實性二  
乘於也於金剛座道場之中知此諸法本於性已於无名  
相法中導師方便以名相說一切法中略有二種一空二有  
空无差別總立二性名遍計所執有法有差別分之為二  
一者常二者无常、者名圓成實性无常者為依他起  
性復分為二有漏二无漏有漏為依他起性无漏為圓成  
實性今依前門无常為依、他、有漏皆悉除斷就中  
但取无漏无常淨分依他究竟滿位成菩提故、言佛種

從緣起也意顯能證常住法性真如二无我理故乃能了  
知二我為无依於善友脩習智慧從緣起法菩提覺滿為  
證一乘真如妙理即是法住法位世常住相大般涅槃  
於道場中既證知已今為衆生方便說之令欣趣證今此  
依他即菩提圖成即涅槃合成一乘圖成勝故獨名一乘  
由斯有漏依他起性遣遍計所執證此二果由了依他  
執性故初說阿含次說般若純有空教名為方便今三俱  
說故名真實三柱之義如別章說經天人所供養至亦說如  
是法贊曰下有四頌半頌現在有三初二頌半標二頌開推  
顯實二頌顯意此初也經知第二所滅至其實為微乘  
贊曰此初開推後還顯實經知衆生諸行至隨應方便說

妙法蓮華經玄贊卷第四

贊曰此顯初推後實之意衆生諸行者慇懃心行相也下  
是別句或勝解也心所念者遍趣行也業力者自業也欲力  
謂勝解也性力謂種子界也精進力者謂處非處等或  
精進等解即性力以種子解即五根故下一力字貫通  
上也根利益者根勝勢力也佛有此智力能知之故所以  
初推後還真實前未來佛由悟三性此現在佛由知衆  
生互相影顯故初方便後說真實經今我不如是至  
皆令得歡喜 贊曰下卅頌半頌我亦如是釋迦同中分  
二初二頌標後廿八頌半廣釋此初也初頌今實後頌普  
摧皆令歡喜漸入道故經舍利弗當知至貧窮无福患  
贊曰下廣釋分二初廿二頌半頌初以三乘方便誘引即長

行去知諸衆生有種々欲深心所著隨其本性以種々因緣  
譬喻言辭方便而為說法後有七頌々今說真實即長  
行去如是皆為得一佛乘一切種智故即頌初推後實之  
義就初文分四初三頌半見生處危難次三頌思救不可  
得次十二頌半請念設推方後三頌半正說三乘化初中  
有二頌死善二頌半有是此初也後若經說佛有五眼  
一肉眼非備之生四大所造或長養或異熟淨色為性二  
天眼斷於定障備習所起唯是長養四大所造淨色為  
性三法眼觀事有惠四惠眼觀理空惠五佛眼因積而  
果圓攬前四為辨龍樹論云如四大河流至天池通名大  
海如是四眼流至佛果通為佛眼初二辨色次三辨智後二

通二又六入等有肉眼天眼等有天眼二乘有慧眼菩薩有  
法眼佛有佛眼由此說五喻伽十四說有三眼一肉眼能  
照顯露无障寻色二天眼能照隱顯有无障色三慧眼  
照一切種若色非色法眼之辨合惠為一不同色眼境有  
隱顯故略不論佛眼即前四眼或談因非果故亦不說花嚴  
經說十眼亦謂四非一肉眼見一切色二天眼見死此生彼三惠眼見諸  
衆生諸根差別四法眼見一切法第二義五佛眼見佛十力  
六智眼分別了知一切種法七明眼見一切佛光明八出生死  
見涅槃法九无碍眼見一切法无有障寻十普眼謂見法界  
平等法門十中第一是五中第一見諸色故此中第二是前  
第二此中第三第五第六第七第九五眼是前法眼此第

四第八是前惠眼見真諦故或第四第八第九三眼是前惠  
眼俱見理故第十普眼是前佛眼普見法界平等性故  
以佛眼觀者以五眼中佛眼觀也十中佛眼不見衆生見  
十力故六道衆生死始不脩福智二因未獲七種聖財及  
入天七法財謂施戒忍勤定惠方便故无一及惠經入生  
死險道至盲瞋无二見贊曰下二頌半有惡為二初頌半  
現普沉溺煩惱增多後二頌護末出要而行邪行此初也世  
間羣牛由自愛尾藏身護尾人貪其尾遂煞其身衆生  
亦尔貪著五欲以自藏身遂以貪愛而自弊敗及自弊  
困墜墮惡道有本云自蔽一掩障也如羣牛愛尾以蔽  
其心遂致喪命衆生亦尔貪愛蔽心羣牛說文西南夷

長鬣牛也有作貓字人間捕鼠者非此中義有作猫  
不知所從經不末大勢佛至以苦欲捨苦贊曰設求出  
要而行邪行佛有神通威勢及以智慧斷苦之法而不  
未趣墮外道邪見網中行諸苦行以捨生死苦此為  
未可所以六年麻麥尚不證於菩提坐卧荆棘何容得於  
道果如狗逐塊之打轉多豈同師子逐人非現經為是衆生  
故而起大悲心贊曰下三頌思教不可得為三初半頌思起  
因行二頌得果已思二頌半思教不得此初也見諸衆生  
有此三緣遂起悲心發心脩行思惟將教經我始坐道場  
至思惟如是事贊曰得果已思佛成道已樹下經行觀  
樹喜自道圓經行思惟利物又觀樹心疑妙理經行想化



群生又觀樹想蔭四生經行思施福惠諸經說佛成道  
已後說法時節各不同此云三七曰彌沙塞律三昧七日  
与十地經同七日不說法顯示自受法樂故為令衆生增  
受故故律及薩婆多傳過六七世二曰方說法梵天來請  
憍陳如等根方熟故又有說云夏安居後方度五十二  
由經成道後二年方度五人智度論說五十七曰不說法此  
皆諸部宜見不同未可和會然今解者大乘以法花為  
正此說通行四諦法輪故三七曰若唯說大乘法輪十地  
為正第二七日說十地故經我所得智惠至云何而可度  
贊曰思救不可得有四因其一法深難解二鈍根難救三  
著樂難捨四冥盲難悟云何可度一云時諸梵王等請

我轉法輪贊曰下十二頌半請念設權方中分四初二頌  
諸天請說次三頌示相思惟次四頌半化遇良緣後二頌  
念隨權誘此初也大自在天色界天也今對三乘法亦說  
法皆待請故智度論云淨居天勸出家四天王獻鉢帝  
釋獻寶座梵王請轉法輪佛初不許梵王說有三根  
重請殷勤佛方許之初說三乘勝天王般若云四天王等  
獻鉢天帝獻座佛為受之各見獨為受之皆發勝心然  
下大通智勝唯梵王請此通諸天者彼舉勝類非无餘  
天請彼佛也經我即自思惟至疾入於涅槃贊曰下三頌  
示相思惟有二初二頌即說大乘衆生有損後二頌且說  
三乘衆生有益此初也以諸衆生處俗現在世中出家

妄行苦行无暇頓能信大乘法若為說者反生誹謗疑  
或破壞脫生不信却墮惡道又在俗者沒苦故不信外  
道出家者破法故不信既有此損寧不說法疾入涅槃  
何得翻損諸衆生也即同智論初不許也經尋念過去  
佛至亦應說三乘贊曰且說三乘衆生有益同諸佛故  
此同智論重請方許經作是思惟時至而用方便力  
贊曰下有四頌半化遇良緣有三初二頌半佛現讚揚次半  
頌勸同諸佛後二頌半引已為證後實初摧此初二也  
十方化現歎佛稱善讚第一師得无上法勸隨諸佛後  
實初摧釋迦能姓牟尼尊号今略言文如音訓說法  
尔隨喜皆言善哉經我等亦皆得至分別說三乘

贊曰下二頌半引已為證後實初摧中有三頌引已為證次二頌釋此所由後半頌結歸真實此初也引已初時說三乘也經云智樂小法至但為教菩薩贊曰此釋所由及結歸真實以不定性人創在凡夫小智樂小无欣大意不信自作佛故初說三乘雖復初摧後必真實但化菩薩經舍利弗當知至稱南无諸佛贊曰下二頌念隨難誘分二初頌聞之敬讚後頌思順彼行此初也有本云稱南无諸佛應從善稱為正言納慕亦言納莫此云敬礼若言伴談或言伴題此云礼拜舊云和南等訛略也經復作如是念至我亦隨順行贊曰思順彼行也既遇良緣勸我摧化思生濁劫應順彼行經思惟是事已

至為五比丘說贊曰下三頌半正說三乘化分三初一頌半  
正起摧化次二頌三寶遂興後二頌會成今古此初也梵云  
婆羅症斯云波羅柰訛也中印度境往昔此地有兩群  
鹿各五百餘佛為一群鹿王提婆達多復為一王時此國王  
畋遊原澤菩薩鹿王前請王曰大王狩獵中原縱燎飛矢  
凡我徒屬命盡斯最即曰腐晷死所充膳願欲次者曰  
輸一鹿王有割鮮之膳我遂旦夕之命王善其言迴駕而返  
兩群之鹿更次輸命提婆群中有懷孕鹿次當就死白  
其王曰身雖應死子未次也願暫差替誕訖當往鹿王  
怒曰誰不寶命雌鹿歎曰吾王不仁死死日矣乃急告  
菩、薩、鹿、王、曰悲哉慈母之心恩及未形之子吾今

代汝遂至王門道路之人傳聲唱曰彼大鹿王今來入邑  
都人士庶莫不馳觀王之聞也以為不誠守城門者白  
王乃信然王曰鹿王何遽來耶鹿王曰有雌鹿當死胎  
子未產心不能忍敢以身代王聞歎曰我人身鹿也死慈  
育之心你鹿身人也有代命之德於是悉放諸鹿不復  
輸命即以其林為諸鹿藪因而謂之施鹿林焉鹿野之  
号自此而興初薩縛喝刺悉陀唐言一切義成舊云悉  
達多訛略也太子踰城之後栖山隱谷亡身殉法淨飾  
王乃命家族三人舅氏二人曰我子一切義成捨家脩道  
孤遊山澤獨處林藪故命尔曹隨知所止內則叔父伯  
舅外則君而且目凡厥動靜宜知進止五人銜命相望營

衛因即勤求欲期出離每相謂曰夫脩道者苦證耶樂

證耶二人曰安樂為道三人曰勤苦為道三交爭未有止

玄贊四世

的於是太子思惟至理為伏苦行外道節麻麥以支身

彼二人者見而言曰太子所行非真實法夫道也者樂

以證之今乃勤苦非吾伎也捨而遠道思惟果證太子

六年苦行未證菩提欲驗苦行非真受乳糜而證果

斯三人者聞而歎曰功垂成焉今而退矣六年苦行一旦

捐功亦捨而去於是相從求訪二人既相見已直坐高論

更相議曰昔見太子一切義成出王宮就荒谷去珎服被

鹿皮精勤勵志貞鄭苦心求深妙法期无上果今乃受

牧牛女乳糜敗道虧志吾知之矣无能為也彼二人曰君

妙法蓮華經玄贊卷第四

何見之晚歟此猖蹶人耳處乎深宮安乎尊勝不能淨  
志遁迹山林弃轉輪王位為鄙賤人行何可念哉言增  
疎切菩薩浴尼連河坐菩提樹成等正覺号天人師寂  
默宴然惟察應度思曰彼鬻頭藍子者證非想定堪受  
我法空中諸天尋聲報曰鬻頭藍子命終已來經今七  
日如來歎惜斯何不過垂聞妙法遽從變化更重觀察  
有阿藍迦藍得无所有處安可授至理諸天又曰命終已  
經五日如來再歎憊其薄祐又更諦觀誰應受教唯施  
鹿林有五入者可先誘道如來尔時起菩提樹趣鹿野園  
威儀寂靜神光是耀毫舍玉彩身瑩金色安詳前進導  
彼五人斯之五人遙見如來互相謂曰一切義成彼來者是



歲月遷淹聖果不證心期已返故尋吾徒宜各默然勿起  
迎礼如來漸近威神動物五人忘制拜迎問許侍役如儀  
如來漸誘示之妙理相傳解玄言五人者一陳如二十力迦葉  
三類鞞有云即馬勝比丘四跋提五摩訶拘利應勘婆沙  
何故唯五人者有云迦葉佛時同學九人四人利根已前得  
道五人鈍根故今始悟願逢釋迦佛出成道故又經云釋  
迦過去作大魚身願先食我者先度五人先食故先度之又  
經云六人曾供養佛五人取稻花供養一人持熟五人初悟  
一人在後即須跋陁羅又即五夜叉食慈力王肉也五人中  
陳如得初果四人在四善根至夏初得道西域記云夏安  
居畢方得道迹諸法寂滅相即是真如不可言宣性離

言故无名相法以名相說名方便力越波羅奈為五人說  
經是名轉法輪玄贊四世至法僧差別名贊曰三寶遂興也此法輪  
義略以五門分別一出辨二釋名三轉相四差別五三乘出  
辨者俱舍論第廿四說所說沙門性亦名婆羅門亦名  
為梵輪真梵所轉故於中唯見道說名為法輪由速  
等以輪或具輻等故即於此中唯依見道世尊有處說  
名法輪如世間輪有速等相見道似彼故名法輪謂見諦  
道速疾行故有取捨故降未伏故鎮已伏故上下轉故具  
此五相似世間輪故顯宗云如聖王輪取前捨後見道亦示  
捨此等境取集等故此意顯示見四諦理必不俱時如聖  
王輪降未伏故尊者妙音作如是說如世間輪有輻等

故八聖道支似彼名輪謂正見正思惟正勤正念似世輪  
正語正業正命似轂正定似輞故名法輪寧知法輪唯是  
見道高陳那等見道生時說名已轉正法輪故天親論主  
依經部宗破薩婆多言三轉行相非唯見道如何可說  
唯不見道立法輪名是故唯應即此三轉十二行相所有  
法門名為法輪可應正理云何名轉由此法門往他相續  
令解義故或諸聖道皆名法輪於所化生身中轉故亦  
他相續見道生時已至轉初故名已轉此有釋言初說  
見道名為法輪非薩婆多正義離心亦叙不正義云牟  
尼說見道速疾名法輪俱舍復云或諸聖道皆名法輪  
等此婆多師本意故顯宗云此毗婆沙師本意慈說一

切聖道皆名法輪以三說轉三道攝故於他相續見道  
生時已至轉初故名已轉非唯見道八聖道支獨名法  
輪妙音所說非正義故成實論說初轉生聞惠第二轉  
生思惠第三轉生脩惠亦无十二行相唯作一空行今者  
大無慙貫諸文法輪有五輪自性謂釋法覺正見正  
智等瑜伽九十五云正見等法所成性故說名法輪自他  
三轉通見及脩无學道故諸聖惠眼能摧煩惱說名  
輪故俱舍亦言一切聖道名法輪故或兼准取八聖道  
支具較輶輻圓滿義故正見正惠准說名為較是根本  
故正語業命說名為輶因數有故正念勤定說名為  
攝餘故不同小乘此八聖道別脩行相雖在脩道躰實

通餘見无學道

世尊應无八聖道故

二法輪因謂能生後

聖道諸教聞思修等无量義經十七名中亦名法輪故諸

經論中說佛教法名法輪故俱舍亦言此即三轉十二行

相所有法門名法輪故瑜伽亦說三周十二行相名得所

得之方便故前為後因合為果四故名為方便又云三周

正轉見脩无學隨其次第智見現觀名得方便三輪者

屬謂諸聖道助伴五蘊瑜伽等說聖所愛戒及信等法

助觀增明助道除或非正斷故四法輪境謂四聖諦十二

因緣三性等法瑜伽又說為得所緣境者謂四聖諦此

經亦說大通智勝轉十二緣辭深密經說依顯了相說

三无性皆依遍計所執性已名法輪故五法輪果瑜伽又

說為得所得者謂大菩提後文又說四波門果所攝受者  
聞菩提獨覺菩提若諸如來无上菩提是法輪果瑜伽  
又說三周十二行相名得所得之方便又云三周正轉見脩  
无學隨其次第智見現觀名得方便故菩提涅槃名所  
得果然此五譬不過四種一教二理三行四果釋名者一名  
梵輪如來應供是梵增語彼所轉故亦名梵輪二名法  
輪法者可軌持義正見等法所成性故說名法輪之有  
四義一圓滿義具較輞輞或擇法覺等譬用周徧名之為  
輪二摧壞義此四種法若伏若斷若助若不不斷煩惱皆  
能摧故三鎮遏義已伏煩惱令勢遠故四不變義從自見  
至自脩從自滿至无學從自无學起發言教他之從言教解

於諦理他從諦理起於正行他從正行起於果智如是展  
轉復為他說如轉輪王所有輪寶能降未伏諸煩惱故能  
鎮已伏諸煩惱故往復往故喻如論說當知世尊轉所解  
法置於阿若滴陳如身中此復隨轉置餘身中彼復隨轉  
置餘身中如是展轉隨轉義故說名為輪法即是輪持  
業釋也轉者動也顯也運也起也動宣言教顯揚妙理運  
聖道於聲前起真智於言後■摧障惱名轉法輪四轉即  
法之輪之轉二釋皆得轉相者九十五說由五種相轉法  
輪者當知名為善轉法輪二者世尊為菩薩時為得所得  
所緣境界二者為得所得方便三者證得自阿應得四者  
得已玄發四樹他相續攝今於自證深生信解五者令他於他所證

深信解此意慙說化身化相自證果時令聲聞等亦有  
所證不依菩薩報身成義或亦依實菩薩轉義慙依  
始終究竟作論不依一會得成三轉所緣境者謂四聖諦  
依安立諦依於三性皆此攝故得方便者謂即於此四聖  
諦中三周正轉十二相智此自三周轉法輪相為得无上  
菩提因故寂初轉者謂昔菩薩八現觀時如實了知是  
些聖諦廣說乃至是道聖諦於中所有現量聖智能  
斷見道所斷煩惱爾時說名真聖惠眼即此由依去來  
今世有差別故如其次第名智明覺此說一智慙名法眼  
有三行相名智明覺非於一諦別起四智由真見道唯一  
剎那不同小乘上下別觀依詮證滅說通三世非是滅諦



通三世有第三轉者謂是有學以其妙惠如實通達我  
當於後猶有所作應當遍知未知苦諦應當永斷未斷  
集諦應當作證未證滅諦應當備習未脩道諦如是  
亦有四種行相如前應知第三轉者謂是无學已得盡  
智无生智故言所應作我皆已作謂我已遍知未知苦諦  
乃至廣說我已備習未脩道諦亦有四行類前應知此  
差別者謂前二轉四種行相是其有學真聖惠眼寂後  
一種是其无學真聖惠眼觀此文意初轉之時見道已前  
加行智位雖知四諦但是轉曰猶非正轉未摧壞故由此  
但名損力益能轉位所攝入見道中真无間道正名為轉  
正斷或故其解脫道及相見道亦名初轉雖不斷或斷

鹿重故鎮已伏故亦非別知四諦相故此後脩道未斷或  
前所起行相應遍知等是正轉相正起真智乃至金剛心斷  
諸煩惱亦此轉攝起別行相但擬趣生斷或道故折伏  
正斷俱名轉故至其无學解脫道後起我已作所應作智  
後更不斷但鎮已伏无障未伏然見道前雖有伏道不与  
轉名非无漏故前无无漏故不同脩如是菩薩自為三轉  
初轉在見道名印相轉次轉在脩道名應脩轉後轉在  
九學道名已作轉其轉時於下諦生四行相三轉豎論  
成十二相如是四諦合無八不過十二以數等故總名三轉  
十二行相俱舍亦說服智明覺別觀諦故彼以法忍法  
智類忍類智如次為四若作此釋不作八諦觀於一諦

便无四行相或恐智二皆具四行相照境分明名眼對治无  
知名智對治无明名明對治耶覺名覺不同於此證得自  
所得者謂得无上正覺菩提謂即雙取菩提涅槃前為  
後因前无間道為解脫道因此說菩薩自三周轉法輪之  
果或說法身沮縣真理名无上菩提起无學位菩提報身  
已作之智證法身故俱舍論等无佛自轉樹他相續令亦  
自證生信解者謂如長老阿若憍陳如從世尊所聞正法  
已窺初悟解四聖諦法又卷四言我已解法從此已後如前  
所說究竟行相五皆證得阿羅漢果生解脫處此說  
世尊自得道故復為於他三轉法輪同俱舍說三周階歷  
四聖諦故謂此是皆乃至此是道是名初轉謂此應遍知

乃至此應脩習是第二轉此已通知乃至此已脩習是第三  
轉如次顯示見道脩道无學道三此是佛為他三轉者初  
名示相示四諦相故次名勸之脩之諦行故後名作證  
為作證明知彼滿故由彼滿陳寂初悟解入見道已佛問彼  
言汝已解耶彼答已解故得解名第二第三轉已遂得阿  
羅漢生解脫智處證得无為果是名轉在他身於佛所  
證深生信解寂後令他於他所證生信解者謂如長老阿  
若憍陳起世間心我已解法如來知已起世間心阿若憍陳  
已證我法地神知已舉聲傳告經於剎那瞬息頃臾其  
聲展轉乃至梵世之間心者緣事之心非要散心此前第  
四樹聖道於他五入身中令於佛自所證深生信解第五

令他地神等知阿若憍陳所證深生信解老別者雖轉  
四諦法相不殊三乘之人各證果聲聞性人已於三生  
或六十劫先脩習已聞佛所說依蘊處界證四諦理名聲  
聞法輪獨覺性人已於四生或於百劫先脩習已聞佛所  
說依十二緣起脩證四諦理名獨覺法輪菩薩性人已於  
一大阿僧祇劫先脩習已聞佛所說依三性等證四諦理  
名菩薩法輪四不尔三乘俱觀四諦俱時證聖有何老別大  
般若云世尊初於波羅奈國轉四諦法輪時无量衆生  
又贊四發聲聞心證聲聞果无量衆生發獨覺心證獨覺果无  
量衆生發起无上正等覺心證於初地二地三地乃至一生  
當得菩提故知鹿野創轉三乘通行法輪若不尔者第

二七日已說十地何故不名轉法輪也彼非三乘同所脩故  
不与初轉法輪之名然實他身三時智起亦有經生而證  
聖果名三轉者望其解悟陳等佛於鹿野一時之間令其次  
第得此三果名為三轉无垢稱經云三轉法輪於大千其  
輪能寂本性寂希有法智天人證三寶於是現世間即  
此經言便有沮蘄音出現及阿羅漢法之与僧三寶現也  
佛為佛寶沮蘄及言果法教法名為法寶阿若多等名之  
為僧阿羅漢者即是陳如復言僧者餘之四人住有學故  
能證智所證諦即行理法寶四法之周并佛及僧能化所  
化既有跡出合名三寶出現世間三乘者佛及菩薩并以聲  
聞說法令他得智斷或可名轉法輪獨覺不尔沮蘄經

言緣覺說法不能令人得燬等法由聲聞等不識藥病  
不与聲聞轉法輪名理亦何爽經從久遠初來至我常如  
是說贊曰結會今古非但今日方讀涅槃永盡衆苦之來  
常說故古同今經舍利弗當知至方便所說法贊曰下有  
七頌今說其實頌如是皆為得一切種智中分四初二頌  
根熟來逢一頌念之應度三頌正說真實一頌結成法儀此  
初也我見先以摧教度者曾於佛所已聞摧教善根熟故  
今來逢我故上文云是會衆生曾見諸佛亦曾見釋迦今  
應言諸佛經我即作是念至今正是其時贊曰念之應度  
為說佛惠今生脩學今根已熟何得不教經舍利弗當  
知至不能信是法贊曰下三頌正說真實分二初一頌明述

不堪授後二頌明利則堪授此初也有五過失不堪受大  
鈍根聞法不解或向顛底迦二小智雖復聚明情見不廣  
或趣寐者三者相謂起計執空有二相錯學亂行或不空  
種性執有非空根未熟故四憍者恃已威事諸富貴者  
醉逸縱任或根未熟有性凡夫稟性醉逸五慢者恃已安  
他五千之輩世或復具起七種慢等諸煩惱者不能信大不  
應授與經今我喜无畏至悉亦當作佛贊曰此是受  
玄贊四初頌顯捨權就實後頌除疑得記喜者喜无量不疾衆生  
成佛事故无畏者決定義作師子吼理決定故於菩薩中  
者對勝人前故二乘發心皆菩薩故依真實理說一乘道名  
為正直不隨機權說有三故名捨方便但說无上一乘之道



即顯今直唯說一道非於餘故地前頓悟菩薩疑自獨得  
菩提聲聞无分不定種性菩薩疑於佛果自亦无分欲退  
向小故今聞法此疑皆除現前名高千二百聲聞疑不得  
作佛今正為說悉當作佛沮縣由此說須臾須臾八万劫到乃  
至辟支佛十千劫到於十信初發心也此等備行整為遲  
鈍不如初備始業菩薩此據不定非諸二乘皆定作佛故  
沮縣第廿四云我於一時說一乘一道一行一緣能為衆生作大  
靜靜永斷一切結縛愁苦及苦因令一切衆生到於一有  
我諸弟子不解我意於大衆中唱如是言如來說須臾須  
乃至阿羅漢皆得佛道等故經如三世諸佛至說无分別  
法贊曰結成法儀也大乘妙理歸无分別三乘不異悉皆

作佛故說之也。經諸佛興出世至斯人亦復難。贊曰：下第六段有七頌，前第一末聞令聞分四二頌，法說四希二頌，半喻顯二希一頌，半勸信一頌，結歎此初也。一佛出希二說法希三難聞希四能聽希佛出希者，如賢劫千佛，今第九住劫已四佛出，後第十劫弥勒佛出，至第十五劫有九百九十四佛出，此劫懷已鷲盧支佛獨王，一劫經十二劫後始有星宿劫千佛中初淨光稱王佛出，後更三百劫空過无有佛故佛希也。如迦葉佛住壽七日不說此法及今釋迦成佛卅年方說此經，故是說希常處八難，叵与佛相逢，故難聞希。雖逢出曰更聞，小乘不希大法，故能聽希。經譬如優曇華至過於優曇華，贊曰：喻顯二希也。一頌一法出。

布一頌半頌聞讚布聞法及讚歎過優曇華故行真法行  
則為供養三世佛故自聽聞教他聞合名聞法慶慰聞此  
去歡喜讚歎聞此去讚行此四種皆真行故經汝等勿有  
疑至无聲聞弟子贊曰勸信勿疑經汝等舍利弗至諸  
佛之秘要四光贊曰歎結深妙此為諸佛秘藏勝道經以五濁  
惡世至終不求佛道贊曰下第二大段有三頌一破四疑分  
三初一頌佛何時出化以三垂出五濁世次二頌云何知增上  
慢若我弟子自謂阿羅漢不信此法先有是處二頌云何  
堪說除佛滅後現前无佛此初也經當來世惡人至破法  
墮惡道贊曰頌釋云何知增上慢當來惡人不信此法者  
多是增上慢不但增上慢所餘惡人亦不能信佛在慢者上

已說相滅後難知故此獨舉經有慙愧清淨至廣讚二乘  
道贊曰釋云何堪說有具四德一慙崇重賢善復顧自  
身羞耻過罪二愧輕拒暴惡復顧世間羞耻過罪清淨  
內外无瑕弃世名利四志求佛道不顧二乘能信此經不愚  
法類乃可為說設愚法者若遇餘佛使得決了一乘道也  
經舍利弗當知至自知當作佛贊曰此中三頌品第四大  
段勸發喜心今欣作佛初一頌半明佛法皆同不學不了  
後一頌半勸知生喜欣求作佛如文可解

妙法蓮華經玄贊卷第四